

apud Troglodytas comparare non dubitet, qui ter de die fit sal-
sus amarusq; ac deinde dulcis, totiesq; etiam noctu. Julium Cæ-
sarem citius aggredi non poterant conjurati, quam ubi remotæ
erant legiones Hispanicæ à corporis custodia. *b)* Cauti vero
fiebant hujus periculo Augustus *i)* Tiberius *k)* Caligula *l)* Clau-
dius *m)* Vitellius *n)* Caracalla *o)* Herodes Judæorum Rex *p)*
Græci Imperatores *q)* & alii, qui ut essent tutiores Germanicis sa-
tellitibus se crediderunt; istorum enim arma & fides ante omni-
um mortalium celebrabantur. *r)*

a) Domitian. Imp. ex Sveton. cap. ult. *b)* Didac. SAVEDRA Symb. 46. *c)* Ov.
2. Amor. eleg. 2. *d)* Tacit. morib. Germ. cap. 13. *e)* Polon. defensa pag. 77.
f) Orat. 14. contr. Polon. *g)* hist. natur. lib. 31. cap. 2. *h)* Sveton. Cæs. cap. 86
i) Id. Aug. cap. 49. *k)* Tacit. 1. Annal. cap. 24. *l)* Sveton. cap. 43. 45. 48. *m)* Id.
cap. 10. *n)* Dio lib. 65. *o)* Herodian. lib. 4. cap. 4. *p)* Joseph. antiqvitat. Ju-
daic. lib. 17. cap. 4. *q)* Saxo Grammat. lib. 12. hist. *r)* Tacit. 13. annal. cap. 54.

*Æmulos
sollebat
vel manifestè
ut fratrem
Remum
cap. 7.*

X. Nunc ordo poscit, ut quid de æmulis statuerit Ro-
mulus expendamus: ast horret animus tam cruenti discursus
initium facere. *Cedebatur frater Remus, atq; munitio urbis novæ,
sanguine fraterno consecratur: Sic fratris titulus, qui apud con-
cordes vinculum charitatis erat a) apud discordes incitamentum fie-
bat irarum. b) Excusare hac in parte Romulum conatur Facius
c) factum fuisse ex pia religionis observantia, quod indignum
judicasset transilire muros Diis sacros. d) Verum quis affectus
regnandi cupidine est flagrantior? e) ubi eodem loco potentia est &
concordia? f) Audiamus Polynicen apud Senecam g)*

pro regno velim

Patriam, Parentes, conjugem flammis dare.

Imperia pretio quolibet constant bene.

Quibus verbis asidet illud Alexandri ad Patrem Herodem *h)*
*Gravis rei est dissidens inter se regia, & spes principatus sæpè ad
nefarios conatus prava ingenia perculit. Atq; ob hanc causam
Alexandri M. Successores, fratrum cedes ut Geometra postu-
lata sumunt, sic concedebant habebantq; commune quoddam
postulatum & regium ad securitatem. i) Sicut apud Parthos
solenne quoddam erat, parricidas reges haberi. k) Pudet fæditate
exemplorum, quibus omnis fere scatet historia, paginas istas
contaminare. Utinam inspexisset Romulus vultures primum
sibi obvios; istæ siquidem aves, animalia viva non attingunt, ab
avibus*